

## **Jau — neb Tāva ...**

(šiaurės žemaičių kretingiškių patarmė)

Kumet lītus ī rūti, ī dėina  
Skalsa sie, vuo ož žuolėis — nimaž  
Nebsigainuo šešoulis ni vēina  
Mirksnė mėnka tam būvie tik — aš..  
Tik koskėlė numūriuota ousė  
Da sekundė sogelta ė kou?  
Znuočėj nieka jau nebsorėktousiau  
To — ne mon... aš — ne Tau tik rokou  
Skaudė mielsvos, beatslenkous vakars.  
I adīnas smagiuo vinis vies.  
Apėnt čiesos kažkor žvilgi pakar  
Ont vuoratinklė — mitrė atvies...  
Jok ženā, ka nevalno parėtė  
I tèn, kor — ni žvaizdelės tik skūps  
Rodou. Osnim apējė tēi retė  
Kor prisiejė tik sotemū ūps  
Tiktā lītus ī zelkuoriaus žvilgi.  
Ė ont vejuos ni mažā, ni daug —  
Žuodė keli, pruo šešouliū ilgi  
Jau — neb Tāva... ė monės neblauk...

Renata Kuršytė

2017